

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10), a u skladu sa članovima 33. i 46. Zakona o izvršavanju Budžeta Zeničko-dobojskog kantona za 2022. godinu („Službene novine Zeničko-dobojskog kantona”, broj: 1/22), na prijedlog Ministarstva zdravstva, Vlada Zeničko-dobojskog kantona, na 146. sjednici, održanoj dana 17.03.2022. godine, d o n o s i

ZAKLJUČAK

o usvajanju Programa utroška sredstava planiranih u Budžetu Zeničko-dobojskog kantona za 2022. godinu na razdjelu 21 - Ministarstvo zdravstva, budžetska orgnizacija 01, potrošačka jedinica 0001, ekonomski kod 614100 - „Tekući transferi drugim nivoima vlasti“, subanalitika LAX010 „Tekući transfer za JU Kantonalna bolnica Zenica“

I.

Usvaja se Program utroška sredstava planiranih u Budžetu Zeničko-dobojskog kantona za 2022. godinu („Službene novine Zeničko-dobojskog kantona”, broj: 1/22) na razdjelu 21 - Ministarstvo zdravstva, budžetska orgnizacija 01, potrošačka jedinica 0001, ekonomski kod 614100 - „Tekući transferi drugim nivoima vlasti“, subanalitika LAX010 „Tekući transfer za JU Kantonalna bolnica Zenica“ u iznosu od 1.850.000,00 KM (slovima: jedanmilionsamstotina pedesethiljadakonvertibilnihmaraka), koji čini sastavni dio ovog zaključka.

II.

Sredstva planirana Budžetom Zeničko-dobojskog kantona za namjene predviđene ovim Zaključkom realizovat će se isključivo u skladu sa realizacijom ostvarenih javnih prihoda u Budžetu Kantona.

III.

Zadužuju se Ministarstvo zdravstva i Ministarstvo finansija da realizuju ovaj zaključak, svako u okviru svojih nadležnosti.

IV.

Zaključak stupa na snagu danom donošenja.

Broj: 02-_____/22
Datum, 17.03.2022. godine
Zenica

PREMIJER

Mirnes Bašić

DOSTAVLJENO:

1x Ministarstvo zdravstva,
1x Ministarstvo finansija,
1x a/a.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
MINISTARSTVO ZDRAVSTVA**

**PROGRAM UTROŠKA SREDSTAVA
PLANIRANIH U BUDŽETU ZENIČKO-DOBOJSKOG KANTONA
ZA 2022. GODINU
NA RAZJELU 21 - MINISTARSTVO ZDRAVSTVA, BUDŽETSKA ORGANIZACIJA
01, POTROŠAČKA JEDINICA 0001, EKONOMSKI KOD 614100 - „TRANSFERI
DRUGIM NIVOIMA VLASTI“, SUBANALITIKA LAX010
„TEKUĆI TRANSFER ZA JU KANTONALNA BOLNICA ZENICA“**

Zenica, mart 2022. godine

I UVOD

1. Pravni osnov

U skladu sa članom 13. Zakona o zdravstvenoj zaštiti („Službene novine Federacije Bosne i Hercegovine“, broj: 46/10 i 75/13) osnivač zdravstvene ustanove obezbjeđuje sredstva za investiciono i tekuće održavanje zdravstvenih ustanova čiji je osnivač.

U skladu sa članom 33. stav (2) Zakona o izvršavanju Budžeta Zeničko-dobojskog kantona za 2022. godinu („Službene novine Zeničko-dobojskog kantona“, broj: 1/22), sredstva utvrđena u razdjelu 21 – Ministarstvo zdravstva, budžetska organizacija 01, potrošačka jedinica 0001, pozicija „Tekući transferi drugim nivoima vlasti“, koristit će se prema programima utroška, koje donosi Vlada Kantona.

U skladu sa članom 46. stav (1) Zakona o izvršavanju Budžeta Zeničko-dobojskog kantona za 2022. godinu, Ministarstvo zdravstva predlaže Vladi Zeničko-dobojskog kantona program utroška sredstava iz člana 33. navedenog Zakona, a stavom (3) istog člana Zakona propisani su bitni elementi programa: naziv programa, svrha programa, visina sredstava, izvori iz kojih će se finansirati i kriterij za odobravanje sredstava.

Budžetom Zeničko-dobojskog kantona za 2022. godinu planirana su sredstva u iznosu od 1.850.000,00 KM za „Tekući transfer za JU Kantonalna bolnica Zenica“.

2. Naziv Programa

Sredstva tekućeg transfera za JU Kantonalna bolnica Zenica koristit će se po programu pod nazivom:

Program utroška sredstava planiranih u Budžetu Zeničko-dobojskog kantona za 2022. godinu na razdjelu 21 - Ministarstvo zdravstva, budžetska organizacija 01, potrošačka jedinica 0001, ekonomski kod 614100 - „Tekući transferi drugim nivoima vlasti“, subanalitika LAX010 „Tekući transfer za JU Kantonalna bolnica Zenica“ (u daljem tekstu: Program).

3. Ciljevi Programa

Cilj donošenja Programa je transparentno trošenje budžetskih sredstava čija je namjena omogućiti redovno servisiranje medicinske i nemedicinske opreme u JU Kantonalna bolnica Zenica, servisiranje informacionih sistema, kao i sprečavanje eventualnih situacija kada se zbog kvarova na medicinskim aparatima ne pružaju zdravstvene usluge pacijentima, a samim tim spriječiti odliv novca iz ove zdravstvene ustanove.

Za početak realizacije Projekta „Poboljšanje energetske efikasnosti u JU Kantonalna bolnica Zenica, nakon rješene problema vlasništva sa Gradom Zenica, postoji obaveza Vlade Kantona za planiranjem određenih sredstava za plaćanje PDV-a za nabavke tokom realizacije projekta.

4. Izvori sredstava

U Budžetu Zeničko-dobojskog kantona za 2022. godinu na razdjelu 21 - Ministarstvo zdravstva, budžetska organizacija 01, potrošačka jedinica 0001, ekonomski kod 614100, subanalitika LAX010, pozicija „Tekući transferi za JU Kantonalna bolnica Zenica“ planirana su sredstva u iznosu 1.850.000,00 KM, a realizovat će se donošenjem Programa i odluka Vlade Zeničko-dobojskog kantona o odobravanju sredstava, a prema operativnim planovima potrošnje usklađenim sa procentom ostvarenja javnih prihoda.

5. Korisnici Programa

Krajnji korisnik Programa je JU Kantonalna bolnica Zenica, čiji je osnivač Vlada Zeničko-dobojskog kantona, koja sukladno članu 13. Zakona o zdravstvenoj zaštiti („Službene novine Federacije Bosne i Hercegovine“, broj: 46/10 i 75/13) obezbjeđuje sredstva za investiciono i tekuće održavanje zdravstvenih ustanova čiji je osnivač. Vlada Zeničko-dobojskog kantona u Budžetu planira sredstva čija je namjena pokriće dijela troškova tekućeg održavanja koje ima JU Kantonalna bolnica na godišnjem nivou. JU Kantonalna bolnica Zenica je svojim dopisom broj: 01-11-1605/22 od 08.03.2022. godine, a prema već zaključenim ugovorima za tekuće održavanje i procjeni potrebnih sredstava za ugovore o tekućem održavanju koji će biti zaključeni u 2022. godini, utvrdila raspodjelu planiranih sredstava.

6. Kriteriji za raspodjelu sredstava

Na prijedlog Ministarstva zdravstva, a po zahtjevu JU Kantonalna bolnica Zenica, Vlada Zeničko-dobojskog kantona u skladu sa usvojenim Programom, donosi odluke o odobravanju sredstava. Osnov za donošenje odluka su ugovori koje je za utvrđene namjene zaključila JU Kantonalna bolnica Zenica.

Sredstva će se transferisati na račun JU Kantonalna bolnica Zenica, na osnovu pojedinačnih odluka o odobravanju sredstava, kojim će biti preciziran način i dinamika transferisanja sredstava.

Sredstva za ove namjene su grupisana u dva programa:

1. Tekuće održavanje medicinske opreme, nemedicinske opreme i informacionih sistema
2. Izdaci za PDV po projektu „Poboljšanje energetske efikasnosti“ u JU Kantonalna bolnica Zenica

II PROGRAMI

1. Tekuće održavanje medicinske opreme, nemedicinske opreme i informacionih sistema (planirana sredstva u iznosu 1.112.670,00 KM)

Planirana sredstva u iznosu od 1.112.670,00 KM ili 60,1% ukupnog tekućeg transfera za JU Kantonalna bolnica Zenica će se usmjeriti na pokriće troškova tekućeg održavanja medicinske i nemedicinske opreme i informacionih sistema za koje već postoje zaključeni ugovori u iznosu od 967.303,10 KM ili 86,9%, od čega se na tekuće održavanje medicinske opreme odnosi 824.878,72 KM, održavanje informacionih sistema 128.395,80 KM i održavanje nemedicinske opreme 14.028,58 KM.

Planirana sredstva u iznosu 145.366,90 KM ili 13,1% odnose se na realizaciju ugovora o održavanju medicinske i nemedicinske opreme i informacionih sistema, koji će se zaključiti u toku 2022. godine.

U sljedećem tabelarnom pregledu dati su podaci o visini troškova tekućeg održavanja JU Kantonalna bolnica Zenica koji će biti finansirani sredstvima iz Budžeta Zeničko-dobojskog kantona:

Red. br.	Svrha	Iznos u KM
1.	Usluge održavanja medicinske opreme proizvođača „Siemens“u Službi za radiologiju (MR magnetom,T Somatom Definitio AS 40, Axiom Iconos MD, Multix Top)	242.847,36
2.	Usluge održavanja medicinske opreme proizvođača „Siemens“ u Službi za radiologiju (CT Somatom Emotin)	97.500,00
3.	Full održavanje medicinske opreme proizvođača „Siemens ultrazvučni aparati“	20.406,68
4.	Servisiranje i održavanje opreme na Odjelu radioterapije (Linac Elekta)	374.019,68
5.	Održavanje gamma camere Picker	9.352,00
6.	Verifikacija mjerila – medicinskih uređaja	47.408,00
7.	Usluge održavanja medicinske opreme proizvođača Fressenius	33.345,00
8.	Ukupno tekuće održavanje medicinske opreme (1. do 7.)	824.878,72
9.	Usluge nabavke i održavanja softvera AFIS	65.988,00
10.	Usluge održavanja i servisiranja IMPAX (PACS/RIS) sistema	36.504,00
11.	Održavanje bolničkih informacionih sistema	25.903,80
12.	Ukupno održavanje informacionih sistema (9. do 11.)	128.395,80
13.	Održavanje liftovskih postrojenja	14.028,58
14.	Ukupno održavanje nemedicinske opreme (13.)	14.028,58
15.	Ukupno tekuće održavanje medicinske i nemedicinske opreme i informacionih sistema po već zaključenim ugovorima (8.+12.+14.)	967.303,10
16.	Ostalo tekuće održavanje medicinske i nemedicinske opreme i informacionih sistema po ugovorima koji će biti zaključeni u toku 2022. godine	145.366,90
17.	Ukupno (15.+16.)	1.112.670,00

Na pokriće troškova tekućeg održavanja medicinske opreme odnosi se **824.878,72 KM** i to po osnovu sljedećih ugovora:

- Ugovorom broj: 33-11-1159/20 od 04.03.2020. godine za usluge održavanja medicinske opreme proizvođača "Siemens" i to za održavanje sljedeće opreme: MR magnetom Avanto 1,5T, CT Somatom definition, AXIOM Iconos MD i Multix Top ugovoreno je 12 mjesečnih rata po 37.635,00 KM. Sporazumom o djelimičnom raskidu Ugovora broj: 33-11-1159/20 od 17.02.2021. godine mjesečna rata iznosi 17.296,83 KM bez PDV-a. Troškovi koji terete 2022. godinu po ovom Ugovoru iznose 12 mjesečnih rata ili 242.847,36 KM.
- Ugovorom broj: 33-04-5478/20 od 01.10.2020. godine za usluge održavanja medicinske opreme proizvođača "Siemens" - CT aparat Somatom Emotion 6, zaključenim sa „Siemens medicina“ d.o.o. Sarajevo, ugovoreno je 24 mjesečnih rata po 9.750,00 KM (sa PDV-om). Troškovi koji terete 2022. godinu iznose 10 mjesečnih rata ili 97.500,00 KM.
- Ugovorom broj: 20/1-7850 od 13.08.2019. godine za usluge održavanja medicinske opreme proizvođača "Siemens" - Ultrazvučni aparati (4 komada) zaključenim sa „Siemens medicina“ d.o.o. Sarajevo ugovoreno je 36 mjesečnih rata po 2.915,24 KM (sa PDV-om). Troškovi koji terete 2022. godinu po ovom Ugovoru iznose 7 mjesečnih rata 20.406,68 KM.
- Ugovorom broj: 32-04-7462/21 od 19.11.2021. godine, zaključenim sa „Medpoint“ d.o.o. Sarajevo za održavanje i servisiranje opreme na Radioterapiji - održavanje linearnog akceleratora Compact, jednofotonski, 6MV, proizvođača Electa, ukupna ugovorena vrijednost na godišnjem nivou iznosi 319.675,00 KM bez PDV-a i teretit će u ukupnom iznosu troškove 2022. godine.
- Ugovorom o nabavci usluga broj: 20/1-5891 od 26.06.2019. godine, zaključenim sa „Medpoint“ d.o.o. Sarajevo za održavanje Gama kamere, proizvođača Picker, ugovorena vrijednost na trogodišnjem nivou iznosi 47.960,00 KM bez PDV-a. Troškovi koji terete 2022. godinu po ovom Ugovoru iznose 9.352,00 KM.
- Okvirnim sporazumom o nabavci usluga broj: 33-04-1754/20 od 13.04.2020. godine, za usluge verifikacije mjerila medicinskih uređaja (deset medicinskih uređaja) zaključenim sa „Verlab“ d.o.o. Sarajevo, ugovorena vrijednost na dvogodišnjem nivou iznosi 160.000,00 KM bez PDV-a. Troškovi koji terete 2022. godinu po ovom Ugovoru iznose 47.408,00KM.
- Okvirnim sporazumom o nabavci usluga broj: 20/1-9535 od 30.09.2019. godine, zaključenim sa „Fresenius Medical Care BH“ d.o.o. Sarajevo za usluge održavanja medicinske opreme proizvođača „Fresenius“, ugovorena vrijednost na trogodišnjem nivou iznosi 114.000,00 KM bez PDV-a. Troškovi koji terete 2022. godinu po ovom Ugovoru iznose 9 mjesečnih rata po 3.705,00 KM ili 33.345,00 KM

Na pokriće troškova tekućeg održavanja informacionih sistema odnosi se **128.395,80KM** i to po osnovu sljedećih ugovora:

- Okvirnim sporazumom o nabavci usluga broj: 33-04-6440/20 od 16.12.2020. godine, zaključenim sa „Dalia“ d.o.o. Tuzla za nabavku usluga održavanja softvera u Sektoru za ekonomsko-finansijske poslove, Sektoru za pravne poslove, Službi za javne nabavke i Bolničkoj apoteci, ugovorena vrijednost na dvogodišnjem nivou iznosi 112.800,00 KM bez PDV-a. Troškovi koji terete 2022. godinu po ovom Ugovoru iznose 12 mjesečnih rata po 5.499,00 KM ili 65.988,00 KM.
- Okvirnim sporazumom o nabavci usluga broj: 32-04-5238/21 od 03.08.2021. godine, zaključenim sa „Berg“ d.o.o. Sarajevo za usluge održavanja i servisiranja Impax(PACS/RIS) sistema, ugovorena vrijednost na godišnjem nivou iznosi 62.400,00 KM bez PDV-a. Troškovi koji terete 2022. godinu po ovom Ugovoru iznose 6 mjesečnih rata po 6.084,00KM ili 36.504,00 KM.
- Okvirnim sporazumom o nabavci usluga broj: 33-11-3885/20 od 17.07.2020. godine, zaključenim sa „Wizard Health“ d.o.o. Mostar za usluge održavanja i servisiranja LIS-a, modul transfuzija, laboratorija i mikrobiologija ugovorena vrijednost na godišnjem nivou iznosi 44.280,00 KM bez PDV-a. Troškovi koji terete 2022. godinu po ovom Ugovoru iznose 6 mjesečnih rata po 4.317,30 KM ili 25.903,80 KM.

Na pokriće troškova tekućeg održavanja nemedicinske opreme odnosi se **14.028,58KM** po osnovu Ugovora o nabavci usluga broj: 20/1-11843 od 28.11.2019. godine, zaključenim sa „Eurolifting“ d.o.o. Srebrenik. Troškovi koji terete 2022. godinu po ovom Ugovoru iznose jedanaest mjesečnih rata ili 14.028,58 KM.

Na pokriće troškova tekućeg održavanja medicinske i nemedicinske opreme i informacionih sistema po osnovu ugovora koji će biti zaključeni u toku 2022. godine, nakon provedenih postupaka javnih nabavki, utrošit će se 145.364,64 KM.

Vlada Zeničko-dobojskog kantona, na prijedlog Ministarstva zdravstva i ovog Programa donosi odluke o odobravanju sredstava, kojim će biti precizirani uslovi transferisanja sredstava JU Kantonalna bolnica Zenica, a na osnovu zaključenih ugovora za tekuće održavanje medicinske opreme, nemedicinske opreme i informacionih sistema.

**2. Izdaci za PDV po projektu „Poboljšanje energetske efikasnosti u JU Kantonalna bolnica Zenica“
(planirana sredstva u iznosu 737.330,00 KM)**

Skupština Zeničko-dobojskog kantona je donijela Odluku o prihvatanju supsidijarnog zaduženja Zeničko-dobojskog knatona po osnovu Ugovora o zajmu između Bosne i Hercegovine i Evropske banke za obnovu i razvoj u svrhu realizacije Projekta „Poboljšanje energetske efikasnosti u JU Kantonalna bolnica Zenica“ („Službene novine Zeničko-dobojskog kantona“, broj: 8/2018).

Ralizacija Projekta je bila u zastoju zbog neriješenih imovinsko-pravnih odnosa na zemljištu i objektima JU Kantonalna bolnica Zenica.

Gradsko vijeće Grada Zenica je Zaključkom broj: 01-45-4641/21 od 08.03.2021. godine dalo saglasnost na izvođenje radova rekonstrukcije i nadogradnje postojećih objekata u svrhu realizacije Projekta „Rekonstrukcija JU Kantonalna bolnica Zenica po principima energetske efikasnosti“, što je omogućilo nastavak aktivnosti na realizaciji projekta.

U zahtjevu JU Kantonalna bolnica Zenica, broj: 01-11-1605/22 od 08.03.2022. godine je navedeno da će se u toku 2022. godine iskoristiti značajan dio kreditnih sredstava za realizaciju projekta, te je planiran veći iznos sredstava za obezbjeđenje plaćanja PDV-a. Planirana sredstva za ove namjene iznose 737.730,00KM ili 39,9% ukupnog tekućeg transfera za JU Kantonalna bolnica Zenica.

Broj: 02-_____ /22
Datum, 17.03.2022. godine
Zenica

PREMIJER

Mirnes Bašić

DOSTAVLJENO:

1x Ministarstvo zdravstva,
1x Ministarstvo finansija,
1x a/a.